

Kes pengubahan wang haram lebih RM32 juta

Bekas Timbalan Pengarah JANS dilepas tanpa bebas

Tidak teruskan semua pertuduhan, SPRM kenakan kompaun RM30j

Kota Kinabalu: Mahkamah Sesyen di sini semalam, melepas tanpa membebaskan bekas Timbalan Pengarah Jabatan Air Negeri Sabah (JANS), Teo Chee Kong, 56, atas 146 pertuduhan pengubahan wang haram lebih RM32 juta, selepas tertuduh dikenakan kompaun RM30 juta

oleh Suruhanjaya Pencegahan Rasuah Malaysia (SPRM).

Hakim, Abu Bakar Manat, membuat keputusan itu selepas Timbalan Pendakwa Raya SPRM, Mahadi Abdul Jumaat, memaklumkan pihaknya dan Jabatan Peguam Negara memutuskan untuk tidak meneruskan semua pertuduhan terhadap Teo.

Mahadi berkata, ini berikutan tertuduh telah menghantar representasi berhubung pertuduhan itu kepada Jabatan Peguam Negara dan SPRM.

Susulan representasi itu, tertuduh dikenakan kompaun sebanyak RM30 juta oleh SPRM mengikut Seksyen 4(1)(b) Akta Pencegahan Pengubahan Wang Haram, Pencegahan Pembentangan Keganasan dan Hasil daripada Aktiviti Haram (AMLATFPUAM) 2001.

Aktiviti Haram (AMLA-TFPUAM) 2001.

Pada 13 Disember 2017, Teo mengaku tidak bersalah terhadap semua pertuduhan itu. Dia didakwa melakukan pengubahan wang haram melalui penerimaan wang rasuah yang melibatkan projek di Jabatan Air Negeri Sabah sejak 2010 hingga 2016.

Kes itu pada peringkat perbicaraan dengan pihak pendakwaan memanggil lima saksinya untuk memberi keterangan.

Sementara itu dalam sidang media selepas prosiding itu, Pengarah Kanan Bahagian Perundungan dan Pendakwaan SPRM, Datuk Faridz Gohim Abdullah, berkata kompaun sebanyak RM30 juta sudah dikenakan terhadap tertuduh.



Chee Kong keluar dari Mahkamah Sesyen Kota Kinabalu, semalam.

Foto BERNAMA)

Faridz Gohim berkata, tindakan SPRM mengenakan kompaun itu adalah satu bentuk pemulangan aset di bawah Seksyen 4 (1) (b) Akta Pencegahan Pengubahan Wang Haram, Pencegahan Pembentangan Keganasan dan Hasil daripada Aktiviti Haram (AMLATFPUAM) 2001.

Beliau berkata, kompaun itu merupakan hukuman atau tindakan punitif terhadap tertuduh dan secara tidak langsung sebagai satu pengakuan salah.

“Dengan jumlah ini ia adalah satu kejayaan kepada pihak pendakwaan dan sekiranya tertuduh tidak membayar kompaun, dia

akan didakwa penuh dalam mahkamah,” katanya.

Beliau berkata, keputusan ke atas Teo itu tidak menjasakan kes tiga individu lain (termasuk Awang Mohd Tahir Mohd Talib) yang turut menghadapi pertuduhan berkenaan.

Pada 4 Oktober 2016, Teo bersama bekas pengarah jabatan itu, Awang Mohd Tahir Mohd Talib ditahan SPRM dan selepas menggeledah pejabat dan kediaman kedua-dua suspek, SPRM menemukan wang tunai RM52 juta, iaitu RM7 juta milik Teo, manakala RM45 juta milik Awang Mohd Tahir. BERNAMA